

THE CRAZY ONES: ROBIN WILLIAMS Í GLÆNÝJUM GAMANÞÆTTI



MIÐVIKUDAGUR 2. OKT 2013
18. TÖLUBLAÐ 1. ÁRGANGUR
DAGSKRÁRBLAÐ STÖÐVAR 2



HOMELAND

Verðlaunapátturinn snýr aftur á sunnudag.



ÁVAXTAKARFAN

Ný sjónvarpsþáttaröð um lífið í Ávaxtakörfunni.



POPP OG KÓK

Unnur Eggertsdóttir stýrir nýjum og ferskum þætti.

ÁSTIR OG ÁTÖK

GLÆNÝ ÞÁTTARÖÐ AF GREY'S
ANATOMY HEFST MEÐ TVÖFÖLDUM
ÞÆTTI Á STÖÐ 2 Í KVÖLD

krakkar



Logi Bergmann fær til sín góða gesti í þáttinn á föstudagskvöld.



LOGI Í BEINNI
Kl. 19.45 föstudagur

EYÞÓR INGI HJÁ LOGA

Logi Bergmann heldur uppi stuðinu á föstudagskvöldið í spjallþætti sínum Logi í beinni á Stöð 2. Þar fær hann til sín góða gesti og verður án efa gleði og gaman að vanda. Leikarinn Rúnar Freyr Gíslason sest í sófann en það gerir einnig Þorbjörg Helga Þorgilsdóttir, leikkona í Málmaus, en hún hefur fengið góða dóma fyrir leik sinn í myndinni. Þá bregður Eurovision-farinn Eyþór Ingi Gunnlaugsson sér í betri fötin og mun að sjálfsgöðu þenja raddböndin fyrir áhorfendur. Logi hefur sýnt að hann á einstaklega auðvelt með að rabba við fólk á léttum nótum í beinni útsendingu, enda á þátturinn sér marga aðdáendur. Þetta er sjötta árið sem Logi er með þátt sinn.

HELEN MIRREN Á GULLINU



Önnur þáttaröð verðlaunaþáttanna Prime Suspect er nú endursýnd á Stöð 2 Gull og verður fyrri þátturinn sýndur í kvöld. Aðalhlutverkið er í höndum leikkonunnar Helen Mirren. Hún leikur rannsóknarlögreglukonuna Jane Tennison, sem er ein af fyrstu konunum sem starfar hjá Lundúnalögreglunni.

Í þáttunum finnst lík í bakgarði húss í hverfi innflytjenda í London. Mikil spennan ríkir í hverfinu vegna óleystra glæpamála og því þarf Jane Tennison að fara afar varlega.

Fyrstu þættir Prime Suspect-seríunnar voru frumsýndir í Englandi í apríl árið 1991 en hófu göngu sína á Stöð 2 árið 1992. Þeir nutu mikilla vinsælda bæði hér á landi og um allan heim auk þess að hljóta lof gagnrýnenda.

Prime Suspect hafa hlotið fjölmörg verðlaun, þar á meðal BAFTA-verðlaun, Emmy-verðlaun, Golden Globe-verðlaunin og Peabody-verðlaunin.

FORRÉTTINDI AÐ KLÆÐAST ANANASBÚNINGI

Eitt vinsælasta barnaleikrit Íslendinga er Ávaxtakarfan. Næsta laugardag hefst ný sjónvarpsþáttaröð á Stöð 2 um lífið í Ávaxtakörfunni. Einvalalið leikara og söngvara fer með helstu hlutverk og þættirnir eru góð fjölskylduskemmtun.

ÁVAXTAKARFAN
Kl. 18.05 Laugardagur

Ávaxtakarfan var frumsýnd fyrir fimmtán árum og er eitt allra vinsælasta barnaleikritið sem sýnt hefur verið hérlandis. Næsta laugardag hefst ný sjónvarpsþáttaröð á Stöð 2 fyrir alla fjölskylduna um lífið í Ávaxtakörfunni. Söngvarinn góðkunnir Matthías Matthíasson, eða Matti eins og hann er yfirleitt kallaður, fer með hlutverk Imma ananas í þáttunum og segir hann gerð þeirra hafa verið eitt stórt ævintýri. „Það var virkilega gaman að taka þátt í gerð þáttanna. Þetta var æðislega skemmtilegur hópur og sannkölluð forréttindi að geta klæðst ananasbúningi í tvo mánuði. Verk-ið er litríkt og skemmtilegt og á erindi til krakka í dag auk þess sem tónlistin lifir vel enda alveg frábær.“ Leikritið er eftir Kristlaugu Maríu Sigurðardóttur og tónlistarhöfundur er Þorvaldur Bjarni Þorvaldsson.

Ávaxtakarfan fjallar um samskipti íbúanna og hvernig þeir vinna úr ágreiningsmálum sín á milli. Umræðan um einelti og fordóma hefur alltaf verið sterk innan Ávaxtakörfunnar og er það enn. „Bodskapur verksins er mjög þarfur í dag og vonandi geta þættirnir frætt krakka um þessi alvarlegu málefni. Það er nefnilega allt í lagi



Ný sjónvarpsþáttaröð um lífið í Ávaxtakörfunni hefst á laugardag.

að segja bara fyrirgefðu og sýna iðrun því þá er kominn grundvöllur fyrir því að eiga eðlileg samskipti og halda áfram með lífið.“

Lífið í Ávaxtakörfunni er eins og hjá okkur mannfólkinu og gengur sinn vanagang. Mæja jarðarber heldur Ávaxtakörfunni hreinni, Rauða eplið heldur öllu í röð og reglu og

Græni bananinn heldur að vinstri sé hægri. Immi ananas heldur mest upp á sjálfan sig og bíður eftir að kórónan komi með póstinum svo hann geti krýnt sjálfan sig konung. „Immi lítur svolítið stórt á sjálfan sig. Honum finnst hann eiga allt gott skilið enda vill hann vera konungur. Þetta er magnaður karakter en svo er hann innst inni ósköp góður og lítill í sér stundum.“

Þetta eru skemmtilegir og innihaldsríkir þættir með ástsælum persónum sem enginn ætti að láta fram hjá sér fara. Með helstu hlutverk fara Ólöf Jara Skagfjörð, Matthías Matthíasson, Ágústa Eva Erlendsdóttir, Helga Braga Jónsdóttir, Magnús Jónsson og Birgitta Haukdal. Leikstjóri er Sævar Guðmundsson.

Fyrsti þátturinn verður sýndur á Stöð 2 næsta laugardag kl. 18.05.

FAGURKERI MEÐ DANSKAN STÍL

HEIMSÓKN
Miðvikudaga kl. 20.10

Sindri Sindrason heimsækir Þorbjörgu Helgu Vigfúsdóttur borgarfulltrúa í þætti kvöldsins en hún býr í glæsilegu einbýlishúsi í Fossvogi ásamt eiginmanni sínum og fjórum börnum. „Þorbjörg Helga er mikill fagurkeri en heimilið er í klassískum, dönskum stíl,“ segir Sindri þegar hann er spurður um heimsókn kvöldsins.

Var eitthvað sem kom þér á óvart?

„Ætli það hafi ekki verið áfengisbirgðir í herbergi unglingsins en fólk verður að sjá þáttinn til að sjá hvað ég er að meina með því. Það kom mér líka á óvart að Þorbjörg Helga gerir morgunæfingarnar á trampólíni fyrir utan húsið en það skýrist líka í þættinum,“ segir Sindri í gamansömum tón. „Þorbjörg



Sindri Sindrason heimsækir Þorbjörgu Helgu í heimsókn kvöldsins.



Allir taka Sindra vel þegar hann óskar eftir að koma í heimsókn.

Helga leggur áherslu á að heimilið sé fyrir alla fjölskylduna og það þarf ekki endilega allt að vera í röð og reglu.“

Sindri segir að honum sé

tekið opnum örmum og enginn hafi hafnað honum þegar hann óskar eftir innliti. „Flestir taka mér einstaklega vel og margar skemmtilegar heimsókn-

ir verða á næstunni. Þar get ég nefnt Agnesi M. Sigurðardóttur, biskup Íslands, Braga Björns-son, skátahöfðingja Íslands, og Elísabetu Ásberg listakonu.

Einnig förum við í glæsilega piparsveinaíbúð og á fallett sveitasetur,“ segir Sindri en áskrifendur Stöðvar 2 hafa því eitthvað að hlakka til næstu miðvikudaga.

HVAÐ VERÐUR UM BRODY?

Síðasta þáttaröð Homeland endaði með sprengingu í höfuðstöðvum bandarísku leyniþjónustunnar og voru áhorfendur skildir eftir í óvissu um afdrif Nicholas Brody.

Í fyrstu tveimur þáttum nýrrar seríu Homeland sést hvorki tangur né tetur af Nicholas Brody.

„Brody er á flóttu og þegar hann næst verður það reiðarslag fyrir áhorfendur,“ segir leikarinn Damian Lewis, sem fer með hlutverk Brodys sem hann segir leyndardómsfullan heimsmann.

„Við vitum raunverulega ekkert um ástand né örlög Brodys. Mun hann eyða lífinu í sælu á frönsku sveitasetri umvafinn rússneskum fegurðardísnum, vinna að samsæri með leyniþjónustunni eða verða fangelsaður?“ veltir Lewis fyrir sér og segir skína í gegn að Brody sé stríðsforðarlammb í Homeland 3.

„Ástand Brodys er gott dæmi um eftirköst þess þegar ungir menn eru sendir í stríð. Sú lífsreynsla eittrar þá og skemmir fyrir lífstíð og þá mynd fá áhorfendur af Brody í vetur. Hann hefur áður sýnt að hann sé slæmur félagsskapur og búi yfir kakkalakkæðli því Brody kemst alltaf af þótt allir í kringum hann tyni tölunni. Því verður forvitnilegt að sjá hvað raunverulega kemur fyrir Brody og hvar hann er niðurkominn en það er ekki á góðum stað.“

Homeland 3 er í senn harðsoðnari og dekkri en fyrri seríurnar og allt sem gerist í Homeland er tvíeggjað sverð.

„Flótti reynist óhjálpsamlegur hjá Brody. Hann er í miklum vanda og áhorfendur verða þess áskynja að áralangar pyntingar, áfallastreita, trúskipti yfir í íslam, hefnd gegn föðurlandinu og að koma heim til að reyna að endurheimta fjölskylduna um leið og hann verður ástfanginn af konu sem skilur hann betur en eiginkonan er orðið honum ofviða. Sem betur fer verður líka bati og betrun hjá Brody og því mun hann styrkjast á ný.“

Leikkonan Claire Danes leikur á móti Lewis í hlutverki Carrie Mathison, fulltrúa hjá bandarísku leyniþjónustunni. Danes hlaut bæði Gullna hnöttinn og Emmy-verðlaunin á árinu fyrir hlutverk sitt í þáttunum.

„Carrie glímur við geðhvarfasýki en hefur verið tiltölulega stöðug hingað til,“ útskýrir Danes sem undirbjó sig fyrir meiri átök í Homeland 3 með því að horfa á Youtube-myndbönd með reynslusögum einstaklinga með sama sjúkdóm. „Það hjálpaði mér mikið. Það er mikil áskorun fyrir leikara að gera sjúkdómnum góð skil,“ segir Danes sem í byrjun Homeland 3 leitar logandi ljósi að Brody. „Carrie hefur hingað til verið viðfældin en í þessari seríu sjáum við á henni nýjar hliðar.“



Í LEIT AÐ KONU DRAUMA SINNA

HELLO LADIES
Kl. 20.35 föstudag

Hello Ladies eru stórskemmtilegir gamanþættir sem hefjast á Stöð 2 á föstudag. Þar fer Steve Merchant með hlutverk fremur klaufalegs Breta sem flytur til Los Angeles til að finna draumakærustuna. Það gengur ekki stórslysalaust fyrir sig, a.m.k. ekki fyrst um sinn.

Stephen James Merchant er breskur rithöfundur, leikstjóri, útvarpsmaður, grínisti og leik-

ari. Hann er best þekktur fyrir samstarf sitt við Ricky Gervais en saman skrifuðu þeir og leikstýrðu hinum geysivinsælu gamanþáttum The Offie og sömuleiðis gamanþáttunum Extras. Þá er hann einn kynna The Ricky Gervais Show.

Merchant hefur hingað til unnið til þrenna BAFTA-verðlauna, fernra British Comedy-verðlauna, tvennra Golden Globe-verðlauna og Emmy-verðlauna.

GRÍN OG GAMAN MEÐ ROBIN WILLIAMS

THE CRAZY ONES
Kl. 20.20 sunnudag

Á sunnudagskvöld hefst vinsælasti nýi gamanþátturinn í árararöðir, The Crazy Ones, með Robin Williams í aðalhlutverki. Þættirnir fjalla um Simon Roberts, sjálföruggan en sérvitran textahöfund sem vinnur fyrir auglýsingastofu dóttur sinnar, Sydney, sem leikin er af Söruh Michelle Gellar. Roberts er hugmyndaríkur en óhefðbundinn og fer eigin leiðir í starfi sínu.

Höfundur þáttanna er David E. Kelley en hann hefur gert marga vinsæla þætti á borð við The Practice, Ally McBeal, Boston Public, Boston Legal og Harry's Law svo eitthvað sé nefnt.

Óskarsverðlaunahafinn Robin Williams þekkja allir, enda hefur hann farið með hvert stórhlutverkið á fætur öðru á hvíta tjaldinu. The Crazy Ones er fyrsta sjónvarpshlutverk hans frá því hann lék í þáttunum Mork & Mindy árið 1982.

Robin Williams og Sarah Michelle Gellar fara með aðalhlutverk í The Crazy Ones.



UPPLEVA snjallsjónvörp eru nettengd og hafa svipaða eiginleika og tölvur. Þau geta tengst þráðlausu netinu heima hjá þér og í gegnum tækið getur þú notað vinsæl smáforrit eða streymt efni úr tölvunni, myndavélinni eða snjallsímanum í sjónvarpið. Snjallt, ekki satt?



Snjallt og smart

107.950,-

UPPLEVA 40" snjallsjónvarp

Svart. Fæst einnig hvítt

UPPLEVA/HIMNA samsetning 248.295,-

m/40" snjallsjónvarpi og 2.1 hljóðkerfi

5
ára
ÁBYRGÐ

UPPLEVA snjallsjónvörpum og hljóðkerfum fylgir 5 ára ábyrgð án aukakostnaðar.



MYND HELGARINNAR



THE BOURNE LEGACY Laugardag kl. 21.20

Spennamynd frá 2012 með Jeremy Renner, Rachel Weisz og Edward Norton í aðalhlutverkum. Þetta er fjórða myndin sem byggð er á Bourne-skáldsagnaflokknum eftir Robert Ludlum. Núna er komin ný aðalsöguhetja, Aaron Cross, en hasarinn og spennan er sú sama og áður.

10 BÍÓ Á STÖÐ 2 BÍÓ

BÍÓ TOPPMYNDIR Kl. 22.00 alla daga




Miðvikudag Bad Teacher



Laugardag American Reunion



Fimmtudag Source Code



Sunnudag War Horse



Föstudag Ted



Mánudag Black Swan



Priðjudag Unthinkable

Stöð 2 Bíó fylgir frítt með áskrift að Stöð 2

DAUÐSFALL O Í GREY'S ANATOMY

Vinsælasti erlendi þáttur Stöðvar 2, Grey's Anatomy, snýr aftur í kvöld með tvöföldum þætti.

GREY'S ANATOMY
Kl. 20.50 miðvikudaga



Níundu þáttaröð Grey's Anatomy lauk með dramatískum hætti síðastliðaði vor. Stormur gerði usla í Seattle og risastór aurskríða féll á og slasaði hóp fólks sem jók enn álagið á bráðamóttöku Grey Sloan Memorial spítalans. Rafmagn-ið fór af spítalanum. Gera þurfti keisarskurð á Meredith í myrkri og Callie komst að því að Arizona hafði verið henni ótrú. Lokapættinum lauk á því að Richard fékk lífshættulegt rafstuð þegar hann reyndi að koma rafmagninu aftur á.

Dramað heldur áfram í fyrsta þætti tíundu seríunnar sem sýndur verður í kvöld á Stöð 2 en hann er tvöfaldur. Læknar og hjúkrunarfólk á sjúkrahúsinu reyna að ná tökum á ástandinu í kjölfar stormsins og Richards er leitað. Í stiklu sem nýverið var birt á netinu kemur í ljós að einhver deyr í fyrsta þættinum. Það verður þó ekki Christina Yang þótt búið sé að gefa það upp að hún muni ljúka vegferð sinni í þáttunum við lok seríunnar. Ekki er búist við að aðrir leikarar þáttanna hætti eftir tíundu seríuna þó samningar allra þeirra helstu verði þá lausir.

Shonda Rhimes, höfundur og framleiðandi þáttanna, lofar viðburðaríkri þáttaröð þar sem gleði og sorg tvinnast saman. Samband Callie og Arizona er stírt og Callie mun flýta út með Sofíu litlu. Hvort ástkonurnar sem oft eru kallaðar Calzona muni ná saman

SÍÐASTA ÞÁTTARÖÐ CHRISTINU

Shonda Rhimes, framleiðandi og höfundur Grey's Anatomy, hefur ljósrað því upp að tíunda sería Grey's verði jafnframt sú síðasta með hinni frábæru leikkonu Söndru Oh sem leikur Christinu Yang. Ekki hefur enn verið ákveðið hvernig Yang muni segja skilið við samstarfsfélaga sína og vini á Grey Sloan Memorial spítalanum. Þó er talið ólíklegt að handritshöfundarnir muni binda endi á líf Christinu en Oh hefur sagt langa til að koma aftur þegar þættirnir ljúka göngu sinni eftir nokkur ár. „Við munum gefa henni þann endi sem hún á skilið,“ segir Rhimes um Christinu.

Oh hefur leikið Christinu Yang frá upphafi þáttanna árið 2005. „Mér finnst ég hafa gefið allt mitt í hlutverkið og núna er ég tilbúin til að sleppa Christinu lausri,“ segir Oh í nýlegu viðtali. „Það er ótrúlega áhugavert að leika sömu persónu í svona langan tíma en ég fékk á tilfinninguna að Christina vildi sjálf hætta,“ segir Oh sem hugleiddi það að hætta fyrir tveimur árum en ákvað að gefa sér tvö ár til að venjast tilhugsuninni.

Rhimes hefur oft haft á orði að hún sjái sjálfa sig í persónu Christinu Yang, metnaðarfulls læknis sem tekur vinnuna fram yfir allt annað. „Einn besti dagur í mínu lífi var þegar Sandra Oh fór í áheyrnarprufu fyrir hlutverkið,“ segir Rhimes en upphaflega var hlutverkið ekki skrifað með asíska manneskju í huga.

Oh hefur hlotið fjölda tilnefninga fyrir hlutverk sitt sem Christina Yang en tekst nú á við ný verkefni. Ætlunin er að fara á ný að leika á sviði leikhúsanna.

POP OG DRAMATÍK TOMY

á ný á eftir að koma í ljós. Nemarnir, sem leiknir eru af Camillu Luddington, Gaius Charles, Jerriku Hinton og Tessu Ferrer, eru orðnir hluti af föstum leikhóp þáttanna. Fastir leikarar þáttanna eru því fimmtán sem er stærsti hópurinn frá upphafi í Grey's.

Brúðkaup verður haldið í vetur en ekki hefur verið gefið upp hverjir munu ganga inn kirkjugólfið. Getgátur eru um þau April og Matthew sem trúlofuðu sig í síðustu þáttaröð. Þar sem níundu seríu lauk hinsvegar á því að April játaði ást sína fyrir Jackson er allt opið í þeim efnum.

Rhimes hefur upplýst að ástin muni svífa yfir vötnum, bæði gömul og ný. Til dæmis muni neminn Leah dífa tanni í ástarlaugina.

Þess má geta að tvö hundraðasti þáttur Grey's verður sýndur í vetur en hann er sá fjórði í þessari þáttaröð. Vinsældir þáttarins hafa lítið dalað þó nú sé siglt inn í tíunda starfsárið og hafa aðstandendur þáttanna gefið út að ekkert lát verði á framleiðslu Grey's næstu árin.



POP OG KÓK
Kl. 19.20 föstudag

POP OG KÓK

Popp og kók er flottur og ferskur þáttur með Unni Eggertsdóttur þar sem öllu því helsta og nýjasta á sviði kvikmynda og tónlistar verða gerð skil. Þátturinn verður á dagskrá Stöðvar 2 á föstudögum klukkan 19.20.

„Ég fjalla um allt það nýjasta sem er að gerast í popptónlist og kvikmyndum, það verður mér ekkert óviðkomandi í menningar-geiranum,“ segir Unnur Eggertsdóttir, stjórnandi þáttarins.

„Ég fæ til mín góða gesti í þáttinn og fer líka á stúfana og heim-sæki fólk sem er að gera spennandi hluti. Í fyrsta þættinum hitti ég Einar Lövdahl tónlistarmann og Sögu Garðarsdóttur leikkonu. Svo fæ ég vikulega hljómsveit til mín í þáttinn sem tekur lagið. Svona dagskrárgerð er alveg ný fyrir mér en alveg rosalega skemmtileg. Ég er með smá fiðring í maganum yfir fyrsta þættinum en hlakka rosalega til.“



GOÐSÖGN MEÐ EVRÓPSKT HÁR

SJÁLFSTÆTT FÓLK
Kl. 19.45 sunnudag

„Já, komiði sæl! Næsti viðmælandi minn verður Óttarr Proppé sem er frábær náungi, öðruvísi stjórnmálamaður og einstakur í sinni röð,“ segir Jón Ársæll Þórðarson um næsta viðmælanda sinn í Sjálfstæðu fólki á sunnudag. Jón Ársæll segist orðinn að betri manni eftir að hafa fylgt Óttarri Proppé eftir um höfuðstaðinn og á heimaslóðirnar í Hafnarfirði þar sem rætur hans liggja.

„Óttarr er heimspekingur, kvikmyndaleikari og goðsögn í íslenskri tónlistarsögu og við förum á æfingu með Dr. Spock þar sem rifjast upp gamlir þungarokkstaktar sem lita þáttinn. Við tölum líka töluvert um hárið á Óttarri en hárgreiðsla hans ein-kennist af austurevrópskum áhrifum,“ upplýsir Jón Ársæll sem tók eftir Óttarri þegar hann flutti einstaka jómfrúrræðu sína á Alþingi.

„Þar sagði Óttarr að við ættum ekki að vera eins og skrið-drekar heldur hoppa til og frá eins og íkornar í trjátoppum og taka réttar ákvarðanir. Íkornarnir eru frjálsir og það viljum við líka vera. Svo er Óttarr hættur að drekka og dópa og það er líka plús,“ segir Jón Ársæll sáttur.



Krakkastöðin fylgir með áskrift að Stöð 3


Stöð 3 + +

2.990 kr.
á mánuði.

FYLGIR
áskrift
að Stöð 2

Dagskrá

krakkabíó kl 19:00



7:00 | 11:00 | 15:00




8:00 | 12:00 | 16:00



9:00 | 13:00 | 17:00



10:00 | 14:00 | 18:00



7:25 | 11:25 | 15:25



8:25 | 12:25 | 16:25



9:25 | 13:25 | 17:25




10:25 | 14:25 | 18:25



7:50 | 11:50 | 15:50




8:50 | 12:50 | 16:50



9:50 | 13:50 | 17:50



10:50 | 14:50 | 18:50



Lesnar sögur og skjámynd kl. 20:30 - 22:00